



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das III. Capitel.

urn:nbn:de:hbz:466:1-34848

weiß deine werck / das du weder kalt noch warm bist / Ach das du kalt od
warm werest / weyl du aber law bist / vnnnd weder kalt noch warm / werd
ich dich vffwerffen vff meinen mund / Du sprichst ich bin reich vnnnd reich
worden vnnnd darff nichts / vnd weyffest nicht / das du bist ellend vnnnd je
merlich / arm / blind / vnd bloß / Ich radte dir / das du gold von mir kauf
fest / das mit feur durch feuret ist / das du reich werdest / vnnnd weisse kley
der / dz du dich anthuest / vnd mit offenbart werde die schande deiner bloß
se / vnd salbe dein augen mit salben / das du sehen mügest.

Welche ich lieb hab / die straffe vnd züchtige ich / so sey nun eyfferig / vnd
thü büß / sibe / ich bin für die thür getreten / vnnnd klopffe an / So jeman
mein stymm hören wirt / vnnnd die thür auffstün / zu dem werd ich ingeen
vnd das abentmal mit im halten / vnnnd er mit mir / Wer überwindet / dem
wil ich geben mit mir vff meinen stül zu sitzen / wie ich überwunden habe /
vnd bin gefessen mit meinem vatter auff seinem stüll / wer oren hatt / der
höre / was der geyst den gemeinen sager.

Das III. Capitel.



Es sprach sibe ich vnnnd sibe: Ein thür

war auffgethan im hymel / vnnnd die erste stymm / die ich ge
hört hatte mit mir reden / als ein posäunen / die sprach / steig
her / Ich wil dir zeigen / was nach disem geschehen soll / vnnnd
also bald war ich im geyst / Vnd sibe /
Ein stül wart gesetzt im hymel / vnnnd
auff dem stül saß einer vñ der da saß /
war gleich anzusehen wie der steyn
Jaspis / vnnnd Sardis / vnd ein regen
bögen war vmb den stül / gleich an
zusehen wie ein Smaragde / vnnnd
vmb den stül / waren vier vnd zwen
zig stül / vnnnd vff den stülen saßen
vier vñ wenzig Eltesten / mit weiß
sen kleyderen angethan / vnd vff iren
heuptern waren güldengronen.



Vnnnd von dem stül giengen auß
blich / donner / vnnnd stymmen / vnnnd
syben sackel mitt feur brandten vor
dem stül / welchs seind die sibē geister
gottes / vnd vor dem stül war ein gle
sern meer gleich dem Chrystal / vnnnd
mitten im stül / vnnnd vmb den stül
vier thier vol augen fornen vnnnd hyn
Hh iij den

Die offenbarung

e den / Vnnd das erste thier war gleich einem löwen / vnnd das anden thier gleich einem kalbe / vnnd das dritte thier hatte ein antlit wie ein mensch / vnnd das vierde thier gleich einem fliegenden Adler / vnnd der vier thieren hatte ein jeglichs sechs flügel / vnnd aussen vmb vnnd inwendig vol augen / vnnd hatten kein rüwe tag vnnd nacht / vnnd sprachen / Heylig / Heylig / Heylig ist gott der herr / der almechtige / der da war / vnnd der da ist / vnnd der da kompt.

o Vnnd da die thier gaben preys vnnd ere vnnd danck dem / der da auff dem stül saß / der da lebt von ewigkeit / zu ewigkeit fielen die vier vnnd zwenzig Eltesten für den / der auff dem stül saß / vnnd betteten an den / der da lebet von ewigkeit zu ewigkeit / vnnd wurffen ire kronen für den stül / vnnd sprachen / Herr du bist würdig zu nemen preys vnnd ere vnnd krafft / dann du hast alle ding geschaffen / vnnd vmb deinen willen haben sie das wesen vnnd seind geschaffen.

Das V. Capitel.

a **W**o ich sahe in der rechtē hand des: der auff dem stül saß ein büch geschriben inwendig vnnd vßwendig / versigelt mit syben sigeln / vnnd ich sahe einen starcken engel predigen mit heller stymm wer ist würdig dz büch auff zūthün / vnnd sein sigel zūbrechen? Vnnd niemant im hymel noch auff der erden noch vnder der erden / kundt das büch auffzūthün noch ansehen / vnnd ich weynet seer / das niemant würdig erfunden ward das büch auffzūthün vnnd zū lesen / noch anzūsehen.

b Vnnd einer von den eltesten spricht zū mir / Weyne nicht / Syhe / es hat überwunden der löwe / der da ist vom geschlecht Juda / die wurzel Dauid / auffzūthün das büch / vnnd zūbrechen seine syben sigel / vnnd ich sahe / vnnd sihe mitten im stül vnnd der vier thieren vnnd mitten vnnd den Eltesten stünd ein lamb / wie es erwurget were / vnnd hatte syben hörner vnnd syben augen / welchs seind die geyster gottes gesandt in alle land / vnnd es kam vnnd nam das büch auf der rechten hand des / der auff dem stül saß.

e Vnnd da es das büch nam / da fielen die vier thier vnnd die vier vnnd zwenzig Eltesten für das lamb / vnnd hatten ein jeglicher harpffen vnnd gulden schalen vol gereuchs / welchs seind die gebet der heyligen / vnnd sungen ein new leyd / vnnd sprachen / Du bist würdig zū nemen das büch / vnnd auffzūthün seine sygel / denn du bist erwurget / vnnd hast vns erkauft mit deinem blüt / vß allerley geschlecht vnnd zungen vnnd volck vnnd nation / vnnd hast vns gotte gemacht zū künigen vnnd püestern / vnnd wir werden regnieren vß erden.

Vnd